



## ADMINISTRACIÓN LOCAL

### MUNICIPAL

#### FENE

##### Secretaría

*Ampliación das actuacións administrativas automatizadas no Concello de Fene*

##### ANUNCIO

O 23.04.2021 o alcalde ditou a Resolución da alcaldía núm. 449/2021 de ampliación das actuacións administrativas automatizadas no Concello de Fene, que foi corrixida e ampliada o 28.05.2021 mediante a Resolución da alcaldía 635/2021 e que transcrita di:

“PRIMEIRO.–Aprobar á ampliación das actuacións administrativas automatizadas do Concello de Fene reguladas no decreto da alcaldía 31 do 10 de xaneiro de 2019,

- De carácter xeral: todas as actuacións e procedementos que se vaian incorporando, con carácter automatizado, à Plataforma de Tramitación Electrónica do Concello de Fene ou á súa sede electrónica (<https://sede.fene.gal>)
- De carácter específico:
  - Expedición de certificados e de volantes de empadramento.
  - Expedición automática de recibos de presentación no rexistro electrónico da Administración.
  - Expedición electrónica de certificados e de informes de datos individualizados dos padróns, matrículas, censos e outros documentos tributarios e de ingresos públicos.
  - Remisión de información e documentación con particulares e outras Administracións, Corporacións, Entidades e Institucións Públicas, Privadas e da Unión Europea.
  - Requirimentos de emenda relativos á obriga de relacionarse electronicamente coas administracións públicas.

SEGUNDO.–Os órganos competentes en relación coas actuacións administrativas automatizadas, en exercicio da función de fe pública administrativa, son os seguintes:

- Para a definición das especificacións ou detalle do procedemento de creación e emisión do certificado: Secretaría da Corporación.
- Para o deseño informático, programación e mantemento e auditoría do sistema de información e do código fonte: A Xerencia de Informática da Deputación de A Coruña
- Para a supervisión e control de calidade: Secretaría da Corporación.

TERCEIRO.–A tramitación automática dos procedementos realizarase do seguinte xeito:

1. Os interesados poderán iniciar a tramitación automática dos procedementos indicados no rexistro do Concello ou lugares habilitados no artigo 16 da lei 39/2015, do 1 de outubro, de procedemento administrativo común das administracións públicas.

2. Os interesados poderanse identificar e autenticar mediante documento nacional de identidade ou documento equivalente.

3. A tramitación electrónica automatizada contempla a captura automática da información contida nas bases de datos corporativas do Concello.

4. As aplicacións informáticas coas que se realizará a tramitación electrónica automatizada a que se refire esta resolución son, ademais de todas aquelas cuxa norma de creación así o preveña, as seguintes: XESTIÓN DE PROCEDIMENTOS (TEDEC/SIGM).

5. Ostentarán permisos de Selado Electrónico unicamente os empregados públicos que sexan acreditados pola secretaria da Corporación.

6. O Concello emitirá resolución automatizada que recollerá expresamente, ademais do contido establecido con carácter xeral na Lei 39/2015, do 1 de outubro, de procedemento administrativo común das administracións públicas, o seguinte:

- a) A súa condición de acto administrativo automatizado.
- b) O selo electrónico da entidade.
- c) O órgano que ha de considerarse responsable a efectos de impugnación, de acordo co indicado no resolve TERCEIRO da Resolución da alcaldía núm. 31/2019, do 10 de xaneiro de 2019, é a alcaldía do Concello de Fene.
7. O código electrónico de verificación permitirá verificar a autenticidade dos documentos xerados electrónica e automaticamente nos procedementos automatizados.
8. Os expedientes administrativos e documentos xerados polas citadas aplicacións almacénanse nos sistemas de información municipais. Ditas aplicacións informáticas garantirán o control dos prazos, a identificación dos órganos responsables dos procedementos, así como a tramitación ordenada dos expedientes administrativos.
9. As indicadas resolucións serán recorribles ante o órgano xurisdiccional contencioso administrativo, previa reclamación potestativa ante a alcaldía, na forma establecida na Lei de procedemento administrativo.
10. Os expedientes de tramitación automática arquivaranse no xestor documental TEDec SIGEM, asinado mediante selo electrónico do Concello.
11. As copias dos documentos electrónicos terán a consideración que se establece no artigo 27 da Lei 39/2015, do 1 de outubro, de procedemento administrativo común das administracións públicas
- CUARTO.–Dar traslado da presente resolución aos distintos servizos administrativos da Corporación, e dar conta ao Pleno da Corporación na primeira sesión que se celebre.
- QUINTO.–Esta resolución producirá efectos desde a súa publicación no Boletín oficial da Provincia de A Coruña. Igualmente publicarase na sede electrónica do Concello de Fene a efectos de xeral coñecemento de acordo co artigo 45.1.a) da Lei 39/2015.”

En Fene, asinado dixitalmente o 4 de xuño de 2021 polo alcalde Juventino José Trigo Rey.

2021/4874